



21602

III

Mag. St. Dr.

P

Bapt.

episcopus Naemioliensis

e Mucharski Ludovici Petri Panagyrice
gratulationis.

PANEG. et VITAE

Polon. Fol.

AE 1733

G

D

H

A

I

PANEGYRICA GRATVLATIO

Illustrissimo & Reuerendissimo Domino,

D. JOANNI BAPTISTÆ
ZAMOYSKI,

Dei & Apostolicæ Sedis Gratiâ
EPISCOPO PRÆMISLIENSI.

Cum nuper Mense Aprili

Honoris Sui Pontificij Sacram Ca-
thedram auspicatò adiret,

Inter festa, lætaque Dioeceseos vota
& plausus

O B L A T A

Demissimæ Venerationis ergò

Eidem Patrono Suo Illustrissimo & Reuerendissimo

A LVDOVICO PETRO MVCHARSKI,

*Canonico Iaroslauien. S. Theol. & Iurisprud. in Acad:
Cracouien. Auditore.*

Anno Iubilæi Magni M. DC. L.

CRACOVIAE,

In Officina Francisci Cefarij, S. R. M. Typog.

In Arma Gentilitia Illustrissimæ Domus
ZAMOYSCIANÆ.




I.

21.602 III

Iam tutò Romana Fides contempserit Hostes,
Pro qua ZAMOYSCI dimicat HASTA triplex.

II.

Hæreseos procul Hydra triceps, colubrique trifauces,
In vos PONTIFICI, sunt TRIA Tela domi.



Illustriſſimo & Reuerendiſſi-
mo Domino,

D. JOANNI à ZAMOŚCIE
ZAMOYSKI,
EPISCOPO PRÆMISLIENSI,
Prosperitatem.



*O*lim iam Virtuti ac Honori Tuo destinatum à
me Vectigal persoluiſſem, ILLUSTRISſIME
ac REVERENDISſIME ANTISTES,
ſi quantum animi in Tua præconia, tantum &
facultatis habuiſſem. Neque enim eſt tam ce-
ler calamus meus, quàm Tuus animus: prom-
ptior Tibi eſt agendi copia, quàm vel diſertiſſi-
ſſimo cuiq; dicendi. Solenne videlicet eſt ZAMOYSKIANO,
hoc eſt Tuo genio grandia quæq; mente concipere, moliri opere, præclare
facta ad culmen & faſtigium, perducere. Utinam ego humili tanta-
rum rerum tractatione, non deteram aliquid de Tuorum amplitudine
geſtorum. Non tam enim vereor, ne me nimium in Tuis putes laudi-
bus, quàm ne parcum. Niſi quòd ea ſit Tuorum conditio meritorum,
ut ijs, nec addi quicquam commendatione, nec detrahi poſſit vitupe-
rio. Ingens illis theatrum eſt ſue virtutis conſcientia; quâ facem præ-
ferente, emeritum hoc PRÆMISLIENSIS CATHEDRÆ
attigiſti culmen. Vel hoc ipſo ſecurus eternitatis, quòd eam felici con-
tentione demereris, Tue utilior DIOCEſI, quàm Tibi. Nec
habeo neceſſe conſilij mei rationem explicare, cur exilem hanc & tenuem
obſequij mei penſionem, Tue ILLUSTRISſIMÆ iuxta ac RE-
VERENDISſIMÆ CELSITVDINIS pedibus ad-
uoluam: non uno debitorum nomine obligatus, Domino, Fautori,

Præfatio.

Patrono, Mecenati, quid anxie causas officiorum expendam? uno omnia concludam verbo: dissimulari à me, Tuorum postremo Clientum, hoc pietatis tributum (nam gratitudinis Nomen minùs adequat debentis mentem) sine piaculo nec potuit, nec debuit. Tuo ILLVSTRIS-
SIMÆ ac REVERENDISSIMÆ PRÆSVL beneficio primùm vinctus Athleta, confirmatusquè, in eam usq̃ duravi etatem; Tuo deinde munere sacris initiatus Ordinibus, in eo repositus sum gradu, ex quo facilior esse possit ascensus ad altiora, ter Sacri, ter tremendi altaris, ministeria. Totum id quantum quantumq̃ est (quod certè maximum est) ex ILLVSTRIS-
SIMÆ ac REVERENDISSIMÆ benignitatis Tuae indulgentiâ mihi undequaq̃ immerito prouenit. Quidni igitur Pontificiam hanc exosculer dexteram, tantarum opificem gratiarum? quæ non ante fidelem pergrata mentis memoriam effugient, quàm spiritus, artus hos animare desistat. Altius profectò pectori meo Illustriss: Tuae beneficentiae monimenta impressa sunt, quàm ut ea perleuis obliuio, aut temporum diuturnitas valeat abolere. Mihi certè nihil tam erit, immò nihil est tam in votis, quàm ut aliquando partem duntaxat illorum è cumulo meritorum, quo me Tua opprimit beneficentia, reponere possim, (cùm aliter non liceat) obsequendo: Quia remunerandi vices Tua nec patitur nec admittit amplitudo. Ita ad cursum beneficiorum effusa, ut diem se cum Tito amis-
sisse existimet, quâ non decurrat Olympia largiendi. Talem Te diu Sarmatiae, diu ILLVSTRIS-
SIMÆ ZAMOYSCIORVM FAMILIÆ decus prae-grande, Talem PRÆMISLIANO Tractui seruent Cœlites exorati. Datum Crac. Ex Ædibus Excel-
lentissimi D. Parentis & Benefactoris mei, Philosophiæ & Medicinæ Doct: & Profess. S. R. M. Med: Phys. Die ultima Maij. 1650.

Illustrissimæ Celsitudinis Tuae

Humillimis obsequijs

semper deditissimus

Ludovicus Petrus Mucharski,
Canonicus Iaroslauien.



PANEGYRICA

Gratulatio.

NON aliter Tuæ Celsitudini, in Sacri honoris apparere contigit fastigio, quàm in ortu Solis, ILLVSTRISSE & REVERENDISSE ANTISTES. Exoritur quidem Cælo, & solo PRÆMISLIANO, at non Tibi, qui iam olim natio clarissimus lumine, aduentitia respuis ornamenta. Quasi Diuino eâ parte polleas priuilegio, quòd nec adijci, ad Tuam Amplitudinem quicquam possit, nec subtrahi. Adijciat Terrarum Regnorumque Domitor Macedonicus, suæ cubitum magnitudini, non plus adijciat, quàm ex aliena detraxit statura. Tu Te ipsum Tibi sufficere ratus, quid cupias requirasue nihil amplius inuenis. Hoc ipso maior cæteris quo melior. Nec primum vota nostra ingressus es, quæ olim hæreditariæ Virtuti Tuæ famulabantur. Sed renouatæ istud lætitiæ esto incrementum. Tuæ solius conceditur prærogatiuæ, tantum Diuino suppar in animos gerere imperium. Talis nempè sub Te arbitro apparet ordo virtutum, qui se tutò in publicum exponere possit; aureisque telis, Tuis videlicet, abditissimas mentium expugnet arces, & munita cordium diruat propugnacula. Glorietur sanè Agesilaus se triginta millibus sagittariorum pulsum ab vrbe discessisse. Tuorum nos beneficiorum longissima obsessi acie gratiarum missilibus expugnati, quicquid tenuimus in ærario pectoris, Tibi cedimus; æternumque nos victos confessi, à nobis ipsis exulamus, ut Tibi animorum debitam possessionem tribuamus. Neque Te magis in amplissimo hoc dignitatis subsellio, quàm in visceribus nostris sedisse arbitrare, vel ideò, quòd mentium Princeps dici malis. Ita Tu per gloriam crescis, ut gloriæ incrementum addas, ita ornaris, ut ornes potius. Nouimus eâtenus in Te dignitatem agere, ut magis patiat, nec minus Tibi se, quàm Te sibi gratuletur. Cum enim semper maximus fueris, videri nolebas; videbaris tamen, & cum magnificos Infularum sedium honores fugeres, ne honorum accessione creuisse censeris, quærebar. Nec Tu Infulas, sed Te Infulæ certatim accurrentes

ambiebant. Satis splendida Purpuræ, fatebantur ruborem, ni à Te melius effulissent. Patet iam omnium certitudini, quod antea in contro- uersiam venisse potuerat: amplissimam hanc Sedem de Tuo nouum glo- riæ augmentum accepisse. Illeque nodus Gordio difficilior, Tuo facilius soluitur ingenio, quam olim Macedonico gladio. Non te gloria, quam- uis illustre sit, sed Tibi gloriam, quod illustrius, deseruire. Nam qui pro- pius clarissima Tua opera trutinasset, non dicam enim inspexisset (cùm il- lustribus non aliter latere quam soli contingat) aduertisset, illi Tuæ sum- marum rerum architectæ, cum summa virtute prudentiæ, opinione maius debitum à Patria deberi. Ea enim est virtutis conditio, vt dum ipsa sibi maximum præmium sit, omnes attamen debitores beneuola exactrix, om- nes stipendiarios, optima pulcherrimarum hæres mentium habet, suoque subijcit ingenio. Diu quærebat POLONIA, omniumque certabatur desiderijs, quid tandem dignum ZAMOYSCIO foret? quem cùm no- mino, quantæ virtutis documentum, quam expositum sapientiæ speculum, quam illustre summæ probitatis exemplar commemoro? Neque modo miramur in Te quæ videmus, cùm quantumcunque sit, quod homines ma- ximum iudicare consueuerunt, minus sit Tuâ dignitate. Neque ex hac su- blimi metimur altitudine quâtus sis, quis enim Tuam valeat definire virtu- tem? quæ nullis limitibus septa continetur. Nec ideo tamen sublimem Te fingimus, quod huc euaseris, quod vix magni summis conatibus eluctantur. Solenne habet vulgi consuetudo, ex euentu iudicium, de rerum hominum- que magnitudine ferre. De Te ante omnes euentus tulit, dumque ad Tuo- rum obitupesceret meritorum augmentum, approbavit: Summæ virtuti paruam esse quæcunque amplissima creditur maiestatem, impar, vtrumque orbem, præmium; ideoque in Te sublimitatem quod sublimis, ideo illu- strissimum, humanoque maiorem aspicimus & suspicimus. Quicumque euentum, suarum constituerunt procuratorem dignitatum, adeoque ab il- lius pependere indulgentiâ, irritò damnati ausu, non mediocrem naturæ risum, & non humilem virtutis iocum fecerunt. Eò quod iniustissimo ho- minum censori se sub hastam venales exposuere. Quoscunq; nimia blan- dienti fouit supercilio fortuna, infelicitatis discrimine repetundarum accu- satos, miserrimo repetijt, quæ olim largiebatur infortunio. Vt verissi- mum credatur.

Quod Fortuna donat, donat vt auferat;

More fallentis tenerum iocosa

Matris alumnum.

Tu non inter euentus numerare debes, quod de Te Fortunam etiam no- lentem facere oportuit. Nouit multis à Te edocta fortunâ modis, quali- ter Tibi deseruire teneatur. Fatorum moderator dici possis: Quæ ita se Tibi impendunt, vt Tuo pendeant à regimine, magnisque subijciantur ob- sequijs.

sequijs. Aliorum fit felicitas, lenocinio fortis vti miserabili rerum suarum ergastulo quomodo consulant, nî stipem erogare à fortuna Belizario egentiores cogantur. Tu naturâ factus es, qui fortunam insitâ dignitatis Tuæ vi, cogeres Tuæ opifex fortunæ, ne statuatur nisi iussa de Te quidpiam. Nec tantus es, quantum honores fecerunt, sed quantus honores merebaris. Suo nimirum non mutuato lumine sit illustris oportet, qui magno cum dedecore, cum Luna, innatam repetere nolit obscuritatem. Sunt nimirum, quorum dignitas staturâ altior, suam ipsis obijcit infantiam, commodatumque exprobrat splendorem, & emptitia arguit ornamenta. In Te equidem nouum quidpiam nobis, Tibi vñitatum spectare licet. Quanta, quanta P R Æ M I S L I E N S I S hæc Maiestas est, verecundum vultu fatetur ruborem, quod tantilla, à Tanto occupetur. Nec melior illi purpura, quàm à rubore Tuis lanceis expresso. Vna dies radios alijs, & Eclipsim vna attulit. Inuita lux rarò vitam habet, scenicusque fulgor, à quo venerat, reuertitur. Exemit Te ex eorum numero Tua virtus. Fastidisti dignitates (quas nō propriâ acquireret industria) ad summa omnia natus. Et vt Te inde rimenur, vnde omnia splendidissimo quodam tractu deriuasti, liceat ILLVSTRISSE ANTIISTES, Tuam è Fascijs euoluere dignitatem. Et in cunis puerile nihil, præter corpus admirari. Stupuit aliquando attonita antiquitas magnorum natales Dynastarum. Eò quòd à comuni, fors illos secernere soleat, quos maximos orbi, in lucem educit publicam. Admirabatur in vtero Olympia imaginarium leonem, Commodi parens serpentem, Astiagis filia vitem, mirabatur. Portentosa nempe in suis natura, illum terribilem, hunc acerrimum, postremum fecundissimum, ominabatur. Procul Te à superstitionis antiquitatis fabula illustris exemit natura, à quo omne semouit portentum. Effectu tamen in Te Alexandri leonem, Commodi serpentem, Cyri vitem, perfecit, scilicet acerrimum boni publici defensorem, humani Diuini que iuris vindicem, fecundissimum summorum virtutum seminarium. Videbatur in Cunis Tua, humanâ maior species, indoles præcelsa, os ad suauitatem compositum. Et ex paruo æstimabaris, quantus futurus eras corpore. Præcox nempe virtus procul extra naturæ fines versatur: promittitque indicem vultus maiestatem impubis ætas, quantum in maturitate virtutis exposcat apparatus Assentatorium, & ad aurium illecebram confectum videtur illum, Magni generis probrum plebeium, & Pulchræ nepotem turpissimum Neronem, radiantibus circa caput flammis, oriente sole, in cunis apparuisse. Illustrissimus nempe & prodigus in commune Sol, affulsit nascenti semel, ne super impium non oriretur. Amissæ vel in Cunis parentabatur infantia. Si & in vtero infantem non tyrannum credas. Qui quod Matri indixerat necdum natus certamen, perfecit hostiliter, postquam excreuisset in lanistam. Ita profectò liberalissimum in publicum lumen, oritur aliquandò in terrorem, nequaquam in omnes peccaturum, cum legi deseruiat.

feruiat. Te verò Sol spectauit abditissimorum longinquus speculator, naturâ maiorem exoriri, totisque in Te actus vibrabatur radijs, noua properando luminum vectigalia. Eâ conditione, quod nihil in Te præter obsequium erogaret. Non parcum videlicet splendoris genus Tuum, eò Te in orbem, adeoque conspectum vniuersorum expediuerat satellitio, quò omnibus magnus appareres. Cingebaris domesticæ virtutis amplissimo comitatu, hoc est fido innatæ probitatis famulatu. Apparebat in angusto corporis palatio ingens hospes animus, longam describens agendorum seriem: Mirabatur è propinquo, illustre satellitium lateris, nouumque athletam ad noua hastiludia prouocabat. Videbat in Cunis iacentem innocentiam, magnarum mentium pedissequa gloria, gauisæque est eum oriri, quo amplissimum repletet honoris theatrum. Quod si hæc talia, tantaque nascenti Tibi attributa ausim asseuerare, ea Te in orbem intulisse auspicia, crexisse trophæa, qualia nec longa aliorum valuisset maturitas: nemo me superstitiosæ, non iure accusatum, damnauerit arrogantia. Nam quemadmodum inusitatum non est, naturam florenti placidoque euentuum nexu origini alludere: ita venturæ laudis imaginem à quo. piam importari in terras nouum censerì non debet. Glorientur nobiles Thebæ primam Herculis laborasse industriam, vt tristia infantili dexterâ abigeret monstra. Tu inter victorias natus, & triumphos, monstra quæ vinceret, non habebas. Nulli inimicus. Illorum hoc natiuæ tribuatur rabiei, qui ne in orbem quidem exiuerè, nî hostes apparuissent, nati in publicæ pacis detrimentum. Te natura mitem lenemque composuit, vt planè ad Insulas effingeret. Loquatur & Seleucum anchora, quam coxæ artificioso naturæ insculptam habuit ingenio. Asylum ille vltimaque naufrago spes regno fuisse concedatur. Tu sine prodigio, vltra prodigium, securæ tranquillitatis domicilium, & portus vniuersi. Non mouemur risu Zoroastris, quem inuersâ lege naturæ, pro lacrymis & gemitu emisit: non humili ille risu, iocosæ initium irrisit vitæ, subsecuturam inuitando infelicitatem, præcox hilaritas infami præludebat miseriæ. Tu pulcherrimâ exhilaratam spe inuitasti POLONIAM, futuræ præcursor felicitatis. Tali, tantoque ILLVSTRISIME ANTISTES apparatu venisse debueras, qui ad cursum perennitatis in vitæ ingressu instructus exiueras. In summo sedeat oportet, qui magni nominis campos, magno ingressu passu, suo gloriam calculo computauit; censuque naturæ ac fortunæ opulentus in partem melioris boni incubuit. Vidit nempe æterna illa mens Tibi inprimis hæreditatem laudis publicæ, à Maximo Parente relinqui, Teque subsecuturum eorum portitorem onerum, quibus ferendis soli sufficiunt humeri, qui magni sunt. Sed ô fatum! Tua ILLVSTRISIME ANTISTES infantia, meam mihi obijcit tenuitatem & pueritiam, quod in puero natiuam nequeam celebrare virtutem. Ita ortus Tuus obscuram eloquentiæ illustrat facultatem, vt si tutò aspicere tentet irritò

ausu

ausu
vide
xim
rum
reris
muli
RIC
per v
tem.
dia p
set, c
pura
Clau
poti
felic
letor
grau
AN
Exer
togâ
de p
vtile
MA
Reg
Gen
secu
Cap
desi
nent
Mira
creu
in ha
nim
excl
in Pa
lona
Fuis
non
cori
subli
que
Auo.

ausu damnetur, & in primo caliget ingressu. Difficilius nempè Sol in ortu videtur quàm in occasu. Dissipat verò lynceos quamuis oculos, lux maxima. Neque solus timendus es, nam longam ante Te Auorum, Atauorumque splendidissimam præmisti claritatem, ne absque prænuntijs orireris. Non Tu Antecessoribus Tuis eripis splendorem, quamuis omnem multorum solus possideas. Concessissent fata FLORIANO SZARIO Sanguinis sui (qui in angusto contineri olim cum nequiret, aperta per viscera largissimè effundebatur) longam gloriæ providere sæcunditatem. Quàm longo tractam ordine vidisset Nepotum seriem? quanta gaudia pectus illud spei plenum inundassent? quanta seges lætitiæ se obtulisset, cogitationem in venientia secula porrigenti, occurrissent Ducum Purpuræ, Fasces omnium dignitatum, spectasset Infulas, Pastorale Pedum, Clauas, Primiceria, omnem denique fortunam in Domo sua confedissee, ut potissima Stemmata sanguine coniungeret, POLONIAM impleret felicitate. Erexissent faciem pulvere aspersam exercitus illi, quos suis deletos Hastis conspiceret. Sonuissent lætis victoriæ clamoribus, multiq; graues triumphi spolijs, surrexissent. Vidisset Gentium victorem IOANNEM ZAMOYSCIVM, Magnum Cancellarium, & Supremum Exercituum Ducem, Academiæ suæ Zamoscensis Fundatorem, Principem togâ, sagoque clarissimum, qui plures numeravit Expeditiones, ac eductas de proprio Copias, quam alij spectârunt. Probasset non bello tantum vtilis suas esse Lanceas, sed & paci, & Religioni amicas. Cerneret THOMAM ZAMOYSCIVM, ex Palatino Kiouienfi, Magnum itidem Regni Cancellarium, non absimilem tanto Patri Filium, nullibi videlicet Gentilitia Tela reclinantem, quàm ad caput Regum, in publicæ tutelam securitatis. Contueretur IOANNEM ZAMOYSCIVM, Capitaneum Calusien. meum benignissimum Patronum, hucusque non desistentem heroico, cum illis certare animo, ipsum in finibus Patriæ tinentem excubias, quarum, illius fortissimi Maiores, rudimenta posuerunt. Miraretur demum reliquos fertilissimo prouentu, ex accisis ramis proceras creuisse arbores, & hinc nouas surgere frondes, hinc adoptiuos surculos, in hastatas famæ & generis ire colonias, nasci stirpes è stirpibus. Fas enim erat sæcundissimum SZARII sanguinem, omne procul sterilitatis excludere incommodum. Et quam mirifico partitionis ordine, partim in Patriæ vmbracula, partim in propugnacula distribui, & sepire rem Polonam & tueri, pugnaciaq; tela, alibi hostibus, cœlo alibi grauiâ, inueniri. Fuisset enim hæc magni generis iactura, magnis altior damnis, sæcundiq; non mediocre improperium sanguinis, nisi pulcherrimus hic connexi decoris tractus, adeoque tantum virtutis incrementum, maximo ferretur in sublimia passu, cum magnum in origine assignârit ascensum. Longis itaque iterum ut ad Te regrediamur ILLVSTRISSE ANTIISTES Auorum successione, Tuam metimur Nobilitatem, per stabiles rerum

gestarum excursus peruenimus, ad nominis pondus, valorem ducimus, ex
 semel inceptorum successuum constantiâ. Egregiè verò deriuatam auxisti
 feriem, quando virtutum incremento, nouos reditus gloriæ adiecisti, ma-
 iores præclarè factorum Tuorum construxisti colonias, à stipendiariâ
 honoris famâ, maximos in Te deriuando prouentus; Cùm interim omnia
 quæ virtutis erant perficeres. Itaque semper pedem figebas, vt laurum
 calcares. Et iam sapientiæ Cunas longè egressus, adolescenti in ætate, an-
 nisq̃ maturior, videbâre. Quis viriles, ætatis in flore passus, tantâ pos-
 set vrgere celeritate, quantâ Tu virtutem properabas. Abeant illi, qui
 lucem perosi suas in abdito proiecere animas, solisque tenebris, beati
 viuunt. Hac sola beati cogitatione, vt benè sit corpori, non animo. Tuus
 vastæ molis speculator animus, exterâ etiam, suâ subiecit censuræ regio-
 nes. Pulchra hæc nobili insita animo inquietudo, velle semper scire ali-
 quid, in hoc laborat, in hoc tota desudat industriâ. Solèt ceteri peregrinari,
 sed solem tantum, & solum mutant, nimirum qui veneris, non quo, interest.
 Frustra damnamus secula, quæ fecimus; frustra Aularum vel Gentium
 mores perstringimus, quos ipsi aulis, ipsi gentibus inueximus. Docuisti
 exteros corrigere de POLONIS iudicium, & longè sentire altius, quàm
 fortè antè sensissent. Dum Patriæ, extra Patriam memor, Patrio more, Pa-
 triâ gaudebas virtute. Vidisti arces ibi fortassè potentiores, sed non ar-
 cium dominos. Vidisti segetes ibi nasci fortassè vberius, sed non vberius
 viros. Vidisti esse in POLONIA quod possent inuidere aliæ gen-
 tes, & è propinquo mirari, non soli famæ, quæ attollit alia, alia deprimit,
 tantum credendo. Vidisti denique, quanti possint alijs esse POLONI,
 si sibi fuerint. Nec habere quod timeat fortis POLONIA, nisi seipsam:
 vsq̃ adeò nihil Tibi de opinione, nihil de amore Patriæ collati exteri de-
 traxerunt. Intuemur plerosq̃, qui diligentius agrum, quàm se, quàm
 ingenia sua excolût, Tu (turpè esse ratus nomina alta, parte aliquâ popula-
 ribus animis inferiora) tantum sapientiæ collegisti, quantum præcellæ No-
 bilitatis Viro, satis esset. Meditari vix Philosophiam cæperas, quid vale-
 ret, mox tanto argumentorum nexu vinciebâre, vt subijceres perfectam
 examini sapientiam. Non detrectasti contra Te in acie ponere hostem,
 castra locare, & quidquid ille opponeret, paratus excipere; non terga
 contrahis, non demittis animum, in tela, & ictus, comparatum. La-
 teant illi, qui delicatè tractari volunt, non erudiri, oblectamenta à literis
 capiunt, & seriò amana esse fingunt. Tam eras ab illis, quàm illi à bonâ
 mente, disitis; quibus inter lenocinantis fortunæ ac ætatis aucupia, an-
 norum flos ac vigor, in Scyllæo deliciarum velut lethali Syrenum cantu,
 in magnifici sanguinis freto, tanquam ad scopulos frangitur, & enerua-
 tur; Etiam effæti, cùm nondum deuiuere. O Te planè sapientiæ alu-
 mnum, quæ Te exulem è PATRIA, in præcellentem VRBIS DO-
 MINÆ delegarit regionem, nihil quæ scirent alij ignorantem. Sed

quid

GRATVLATIO.

7

quid in stirpe Parentibus, Patriaque alienis ad laudem præsidij, diutius hæream, & oblatum vltro prosperitatis verticem, contumaci itinere premam, cum amæniora plura se offerant cacumina. Recitabit aliquandò, ex grata conscientiae fide, fida rerum custos prosperitas, reliqua: me cum Tua prætexta ad togam attolli liceat. Illustre quidem est æquabilem seculorum in honoribus excipere tenorem, illustrique conatu moras annorum, prægredi. Magnum virtutes in Patrum portare Ceris, maius, in proprijs, maximum erraticæ fortis leuitatem, honestâ actionum societate, nobilitatem virtuti, commendare. Semper Diuinum quidpiam Te, Tuæ Hastæ monebant, ferri videlicet ad meram æternitatis, soloque aberrantem, cælo figi debere. Sed verò stet eodem vestigio fortuna, lassata tot peregrinationibus, veriùs quàm illa Appellæa, aut qualem filio reliquit Antonius, alicuius in aula sedeat, si honoribus illustris non est, obscurus, quamuis inter aurum, & lapides viuet. Eluctatus alter in honores, Diuis propior sedit, sed caret opibus, grandem in nuda scena personam, sustinere quipotes. Legimus, legimus magni exercitus Duces, sine comitatu fugientes; legimus Regias, supra suos Reges, Capitolia, supra suos victores iacentia. Legimus vinctos suo auro Darios, suis propè fascibus verberatos Consules; solo cælo tectos Pompeios, orbis dominos; ardente Troiâ, Priamos rogo carentes: ita reliquus omnis orbis splendor, in eos, quos in pegmate accendimus, (aut ne accendimus quidem) ignes abit. Alij suorum tantum, sed non suis; suis alij, sed non suorum insignibus, fulgent. In aliorum ædibus omnia splendida præter ipsos; in aliorum nihil splendidum, nisi ipsi. Ita nimirum elinguis, adeoque muta virtus, clarissimis publicata vocibus, suorum ipsa encomiastes decorum, in omnium aures & animos se insinuat, si insinuatione opus habet. Humanissimam liberalitatem prædicare volo? primas sibi gratulationis partes deposcit, magna in Patriam, maior in Superos pietas! Hinc innata animi fortitudo, inexpugnabiles educit copias, numerat victorias, legit spolia, trophæa multiplicat trophæis; lauris laureas, anteponit. Ferunt sese clarissimo comitatu tot insignia, quorum omnia separatam sibi deposcunt Prouinciam dictionis. Inuidet lauro olea, & omnia ad laudem, omnia ad posterorum imitationem, gesta esse inclamat. Omitto quæ Tua dexteritas in agendo, prudentia in prouidendo, constantia in perficiendo: cum ubique iure bellico, virtutis susceperis patrociniū, ubique viceris HASTATVS propugnator. Quàm Tu meliùs vsurpares illud Stoici Senatûs effatum: **NEMO IN NOSTRAM VIRTVTEM LABORAVIT.** Optimè illustria facinora fufis sudoribus distinguebas. Multam gloriam, multâ modestiâ adornabas. Et dum hæc prodiret, vt magis absconderes, squalorem purpurâ commutasti, & dum, religioso recessu obscurares, illustrasti. Candidissimum D. DOMINICI sequutus Ordinem, cæli colorem assumpsisti, vt Diuino quàm simillimus appareres. Nec aliorum

censuræ, quam DOMINICI & ANGELICI DOCTORIS sub-
 esse debueras. Adeò nempè pietatis excelebas notitiâ, vt trophæis astra,
 astris trophæa inferere, obligari pariter, & obligare, ornare & ornari, ha-
 bueris vſitatum. Immortalitatis discipulus ſapere debueras cum cæli-
 bus. Et ita vitæ diſponere rationes, vt non tantum Patriæ, & Ciuibus pro-
 deſſes, ſed & Superis. Maſte hâc fortitudine ILLVSTRIS-
 SIME ANTIſTES. In fortunæ primùm Tuæ titulos inuolaſti, Tuis
 contra Te vſus Telis, vt de conſanguineis triumphum, à Romano Senatu
 rogares. Nec Te luſtrare trans æquora hoſtem oportebat, inſtino do-
 mi Annibale necdum fuſo. Tum didicimus HAſTAS ZAMOY-
 SCIANAſ, plus opinione antiquitatis potuiſſe. Hac proſectò viuen-
 di deſtinatione, prouidiſti modeſtiæ Tuæ, ne diſſimilem animo effigiem
 circumferres. Malè nempè intra grauitatem tuetur ſeſe demiſſio. Sanè
 optima gradatio, à prætextâ ad ſagum, ab oſtro ad religioſam ſolitu-
 dinem, tum demum ad Inſulam & Pedum Paſtorale. Noueras equi-
 dem, quantam ipſa virtus ſibi faciat maiestatem, & frequentiam: quan-
 tumque felicitatis auctoꝛamentum ſit, Deo teſte, & conſcientiâ viuere. Et
 habebas equidem, quod ſub paupere ſpectaretur tegumento. Aderat pia
 grauitas, verecundia, comitas plena pudoris; aderat candidi index animi
 ſerenitas, cæteræque excelsi dotes animi omnium veniebant in conſpe-
 ctum. Eminebat tum ex aſpera illa vmbra aſcetici rigoris illuſtris imago
 probitatis, cuius non ab Apelle vel Lyſippo ideam expoſcas. Quorum
 operam ne magnus quidē Macedo ambuiſſet, ſi noſſet virtutem præſtan-
 tiorem fingendi pingendi que magiſtram. Quis verò & tùm Tibi negaret
 purpuram deſuiſſe, cùm meliore ſucco depingebaris, Tuis fortalſe contra
 Te vſus armis. Grauiſſimum verò hoc genus impenſarum eſt, quod ad vi-
 rium debilitatem & languorē peruenit. Vrges Tu in illo aſperitatis ſerijq;
 certaminis circo, domeſticos animorum motus, ſemper victor; Tuique
 vel indiſſimili habitu quam ſimillimus. Quâ verò mente fueris erga opū
 affluentiam, quo ſupercilio aſpernabêre additamenta benignioris fortunæ?
 nihil Te cōmouebat aliorū immodico luxu expoſit⁹ ornatus; non lapillorū
 pretio accenſa tunica, non Phrygio textu, & ludentis commento artificij
 emollita ſerica. Nihil quod ad illecebram oculorum natura finxerat ſpe-
 ctare poteras, niſi lædereris. Ita ad quæſitam profuerant Tibi omnia pa-
 tientiam. Spernant alij omnia humana, pro diuitijs, non honori maximo,
 non virtuti locum putent eſſe, niſi cupitæ affluerint opes. Tu adeò ditif-
 ſimæ cupidus paupertatis, vt in fortunis egeſtatem, in obſonijs famem, &
 ſitim numerare males. Spectabant prorſus attonitæ omnium mentes, quò
 tandem tantæ virtutis fulgor, publicam perofus maiestatem erumperet.
 Nemo ſiquidem erat, qui aſſequutus non fuiſſet magnam lucem, adeòque
 publicam in publico poni oportere. Malè tuetur illuſtrem anguſta domus
 facem, ait non nemo. Inuitabat Te, edocta quanto priuaretur ornamento
 Patria.

9

P A N E G Y R I C A

Patria. Insinuabant sese in absentis fauorem, suoptè arbitrio, currentes dignitates, Magnificæ Domus ornamenta, ceræque Patriæ, sui, suorumq; oblitum arguebant. At Tu surdas tot vocibus (quæ flexissent durissimos) porrigebas aures. Vidimus plurimos leui voce, ab ea quæ alias infracta videbatur, elisos constantiâ. Eò quòd pessimus in dignitatum causa Orationis, ambitio, maioribus vrgeret argumentis. Tu mœrentis Familiæ, afflictæ coloniæ, squalidæ domûs, adeò immemor extitisti; vt nec Syrenularum blandissimis vocibus, mouereris. Sunt quibus (intenta in alienum) dignitates prorogauit cupiditas, cum ijsque eo quod etiam petisset, in folio sedit, sceptrâ tenuit, monstrum in purpura coronatum; sed tantum illi honorum discrimen & infamiæ prouentum, quantum, dignitatis accessione, gloriæ existimant auctuarium, adipiscuntur; omnem Generis Nominisque amplitudinem, in aleam sortemque, committentes: Rarum nempè auita promouit virtus. Quando fœcunda ignauiae secula, in eam venêre, viro- rum sterilitatem, vt rarum sola merita, teste probitate, magnum eloquan- tur. Raros splendida dignè vestiuit Purpura, quæ decora quamuis, dede- cus operire ignorat, sed ornatam exornat ignominiam. Ludit nimirum & illudit mortalibus (ambitiosis vel maximè) seriam accincta crudelitatem fortuna: Nimirum

Hic cum Sceptrâ rapit, frangit; hic antequam

Gestet, fractâ videt: fluctuat heu miser

Alternâq; potentum

Mundus diripitur manu.

Punctum est. fors auidis quod secât ensibus.

Inter tot populos!

Tu verò ILLVSTRISIME ANTISTES quod non præmijs augeri volueras, sed meritis, ne inuerso ordine ignauus possessor dignitatum videreris. Ipsos profectò honores Tua depressos ante subsellia spectasti, cum se minores confessi, quasi calcandos, Tuæ sese substernerent maiestati; vt admitteres, ne sic quidem impetraturi, nisi amor Patriæ necessitatem imposuisset. Vt quod ab ineunte iter ingressus eras ætate, cum minima cogitares, ad summa contendendo sensim venires. Hæc nimirum vna ambi- endi honores via, quam vtinam Te Auctore disceret orbis, sine ambitu ad Infulas, ad Pedum Pastorale, ad Fasces Pontificios properare. Quo pacto effecisti, vt intra Tua nomina numeretur honor; cui aliqua deberi nullo modo permittebas, præmia; Ne non gloriosissimus, Infulæ supposuisses humeros. Adiecisti itaque magnis curis animum & manus, vt magis labo- ribus quàm mensibus, longa tempora recenseret. Supposuisti (ne non A- tlas orbi probareris) Coelo & Terræ lacertos, vtriusque portitor orbis, dum & Sacræ & Ciuili prodesse commoditati. Certabant equidem Infu- læ, alternisque vicibus supplices, vt eligeres, accedebant, Nulla fuerat quæ Te non ambiret. Nisi in prima primum Maximi honoris gradum fi-

gere malles, & optimo iure ad Maxima iter relinqueres, & quod ibi Tuam operâ impendas potiùs, quod maiori opus habet virtute & industriâ. Quis referat, quanto cum apparatu Te illa Sedes accepit, quo plausu & solenni acclamatione venerabatur. Sed quid magna credimus, quæ perexigua ad Tuam fuere magnitudinem. Nimirum ipsi tenues, etiam res non earum mole, sed nostra metimur paruitate. Erit verò tempus, quo posteri nosse gestient, quanto emolumento BACCOVIANAM incolueris SEDEM, quibus sudoribus, & laboribus propagaueris Summi Numinis, Diuorumque cultum. In tuto sua omnia, suosque credebat illa Ciuitas, quæ Te habuit assertorem. Nec profectò Sedi illi optatior contigisse potuerat, qui ex utroque Princeps consilio & virtute conaretur cominus & eminus, HASTATA virtute hostem aggredi & vincere. Nec debuerat præter illum, qui summa virtute, summo oneri par (quantum illa Sedes erat) omnia incommoda pertulisset solus; Et quam non dubiâ omnium spe & desiderio. Nulla ibi exstabat Ciuitas, nullum oppidum, quod à Tuâ luce splendorem non accepisset, in tanta caligine tenebrarum! Prima Tibi cura, delubra arasque erigendi, perpetuâ ordinandi dote, numero amplioris Cleri augendi. Tu in alienum intentus bonum Tuorum oblitus, Tui vix memor, publica promouisti. Nemo itaque illa in regione fuit, qui Te non diu incolumem vellet. Hinc illæ Diuinæ populorum voces in Tuas excurrentium laudes. Hinc Ciuium in Te ornando, colendoque æmulatio, Magnatum amor incredibilis. Hinc omnium sollicitudo populorum, sese Tibi deuouentium. Nouerant quippè quantum sit ZAMOYSCIANA protegi beneuolentiâ, Hastis fulciri Gentilitijs, (quibus etiam olim Vrbs triumphant LEOPOLIS, quando Illustriss: & Rndiss: Tuus Patruus, IOANNES ZAMOYSKI, Archiepiscopus eiusdem, Primas Ruffiæ, & Academiæ Cracouiensis Fautor singularis, illius Pastorale regimen tenebat.) Eadem ILLVSTRISSE ANTIQUES in Tua intentissima auspiciâ de Te vicina præstolatur PRÆMISLIA, ominatur Nobilitas, expetit Sacer Ordo, exoptant Ciues Tui, expectat Senatus, omnes denique Diocecesos desiderant & precantur populi. Occupa igitur felici (vt iam orsus es) genio Tibi destinatum locum. Imple Pontificiæ dignitatis subsellium, produc copiosam Diuinæ factorum OEconomiam, describe dignitatum colonias, honorum prouentus multiplica, Fasces Fascibus, nomina nominibus, honores honoribus respondeant, Gloria virtutem, virtus gloriam comitetur: nouis auctoramentis noua subsequantur decora.

Ita vouemus, ita comprecamur, quot
quot Tuo Nomini & Honori
obligati sumus.

HASTI-

HASTILVDIVM ZAMOYSCII,

Ad Annulum Æternitatis
O D E.

NON semper actâ sors super orbitâ
Deuoluet orbem: docta procacibus
Fortuna pertentata ludis,
Castilios procul angiportus.

Omitte vanis ludere frontibus,
Quisquis dolofo credulus improba:
Sortis fauori, contumacem
Instituis variare Scenam.


Quicunque mundi pratercuntia,
Contaminatis pingis adoreis,
O insolentem temperatâ
Fronte, scias celebrare lulum.

Ne crede Ponto, consilio dolos
Immurmuranti; quem Notus extulit
De fluctibus, rursus resorptum
Unda fretis, tulit æstuosis.

Fortuna ludit, ludere conscia:
Lulum procacem, nota tyrannide
Dat purpurandas efferatis
Criminibus furiisque mentes.

Eheu dolofois semper Etesis
Cognate liuor, quàm faciles mali
Offundis undas, & quietas
Inuidia regeris sagittas.

Vidi labantes mole reciproca
 Errasse Reges, regnaq̃ tristibus
 Illusa fatis, heu! molesta
 Gaudia post, celebrasse scenam.
 Dedisce lusum ludere futilem
 ZAMOYSCIANI conscia Nominis
 Orchestra, ludendi sinistrum
 Sortis iter, vice ludibunda,
 Ipsaque magni, Nominis undique
 Profligat umbra: quicquid inertibus
 Fatis reducit Luna, crudi
 Quicquid agit levis ira Cauri,
 Durique Soles. Exime Te solo,
 Inopinatis eripe nubibus,
 Mundumque fortunamque pulchro
 Consilij supera duello.
 Hoc schema tantum, schema tamen Tuum
 O Magne PRÆSVL, ludere in orbita
 Æternitatis, & decoram
 Ex iaculis aperire scenam.
 Sunt qui fugaci nomine gloriam
 Sectantur. Umbris dissimiles nihil;
 Sortisque collimant ad orbem,
 Tu ad Superos Tua Tela mittis.
 Euince forti robore sidera
 Vibrato Telum, Meta sit ANNVLVS
 ÆTERNITATIS, quam sonoro
 Astra super iaculeris arcu.
 Benè est, triumphas victor in arduo
 PRÆSVL duello, iam roseo super
 Hesisse celo Tela cerno;
 Fixa sacro Tua Tela centro.





S C O P V S
H A S T I S Z A M O Y S C I A N I S
C Æ L V M.

Æ Terna laudum Carmina triplice
 Inscribo Telo, discite Patria
 Ciues, & alterno fauentes
 Murmure, congeminate plausus
 Frustra supremi gloria sanguinis
 Priscas auorum pandit imagines
 Nomenquæ, gentilesquæ ceras
 Et patrios recinit triumphos.
 Non ille quanquam tela frementium
 Irasquæ, & enses, contudit hostium
 Seuasquæ Mauortis procellas
 Magnanimo tremefecit ausu.
 Quanquam cruenti flumina praelij,
 Densissq; pigrum funeribus mare
 Emensus aratum refregit
 Agmen, Achamenidumq; latè
 Turbavit Urbes, terruit accolas
 Ultore ferro, cum spoliis grauis
 Famaq; quesitisq; plenus
 Nominibus, celebriq; multum
 Formosus ostro, dulce fluentibus
 Potatus undis, glorie & ardui
 Satus decori, quem vicissim
 Fata bonis meliora fatis

Pulchrè sequuntur : prò violabile &
Exile Regnum. Qui sibi subdidit

Se; grande fecit victor, omni

Victor iò celebretur eue.

Non qui Gradiui sortis & improba

Sopinit iras, sceptris curulibus

Sceptris curules, & trophæis

Addit adhuc, & adhuc trophæa

Non qui tricenis usq; cohortibus

Cinctus superbo & sanguine purpure,

Et nobili stellatus auro,

Victor erit referetq; palmas.

Vicit : caduci qui didicit minas

Frenare fati; pendet ab improbo.

Non ille casu, sed secundo

Fata vocat generosus ausu.

Sed cum nefastè crimina ferrei

Depræliantur pectoris abdita

Vt cunq; defecere mores

Dedecorant benè facta culpa.

ZAMOYSCIANI gloria Stemmatis

Sunt TELA magne mentis, & inclyte

Propago fame, que sonoro

Astra supèr iaculatur arcu,

Et iam dolosi fata negotij

Edico Vates, PRÆSVLEAS domo

Virtute fatali refigi


Dum video attonitus, SAGITTAS.



DITHYRAMBUS

Victricibus Illustrissimi Telis
In Circo Honoris
Pro Gloriâ decertantibus.

Siste magne, siste victor,
Bella mitte, pone Tela,
Tela pugnaci metuenda ferro
Quæ cateruatas meliore fato
Hostium sternant acie cohortes
Tandem belligeræ scena tragediæ
Cessit, promeritas carpite laureas
Parumnè bellicosa Tela Martio
Vicere nisu? iam satis bello datum,
Iam decet emeritâ requiescere de furore dextrâ
Postquam secundis pulchra Fauonijs
Pax Martiali tempora Laureâ
Cingit, coronatisque latè
Oppida præuehitur quadrigis
Postquam roseo compita curru
Replet prædiues copia cornu,
Faustitate salus, Regnaq; fouet
Quando repositas super
Hastas, dulcis adest quies.



GLORIA

VICTORI

Perpetuo Vectigalis.



Ite bella, cede Mauors
 Pertinacis' ira. pugnae
 Ira iuratis inimica dextris,
 Este feruētes procul este rixae
 Iā sagū cedat Toga subsequatur
 Olim. difficilis Victor adorea,
 Laudum non dubijs colla fauorib',
 Submisit, illustriūque fama Nobiles
 ZAMOYSCIVS calcauit orbis laureas
 Pastorale Pedum, niueū super Infulasq; tempus
 Gerit, secundo dic age carmine
 Et foederatam dic age gloriam.
 Nomenque iam ZAMOYSCIANA
 TELA super requiem parasse
 Et iam propero fausta secundis
 Exuberanti fundere vortice
 Nunquā geminata licet possūt
 Exequare satis Tuas
 Almæ Præsul adoreas.

FINIS.

Soli TriVno Laus & Gloria.



J. XXIV. 5

us,

15 VIIA



